



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale, sev Institvtio Sacerdotvm, Ex Divinis Litteris Et Vetervm Patrvm Disciplina

Torres, Alfonso de

Ingolstadii, 1604

XI. De sollicitudine, vigilantia, & zelo Sacerdotum in prædictis.

[urn:nbn:de:hbz:466:1-48973](https://nbn-resolving.org/urn:nbn:de:hbz:466:1-48973)

De eodem.

Si Sacerdotes mores suos correxerint, spes est 35
plebem quoq; secuturam esse. *S. Isidorus Pelus. l. 3.*
epist. 326. Alia vide sup. c. 3. S. 4. de gestu, risu, &c.

CAPVT XI.

DE SOLLICITV.

DINE, VIGILANTIA,

ET

ZELO SACERDOTVM

IN PRÆDICTIS.

SUMMARIVM.



MINISTRI Ecclesie debent esse solliciti, & vi-
giles in ministeriis suis. 1. 4. 7. 8. 9.

Et compati infirmitatibus, & scandalis alio-
rum. 6.

Et ex omni parte debent esse oculi. 5. 10. 11. 12.

Et seipos caute custodire. 2. 19. 20.

Et cum magno timore præesse subditis suis. 14.

Et pro eorum salute commoda propria postponere. 17.

Quia pœnas maximas luent suæ negligentia. 15. 16.

Hæc autem eorum sollicitudo qualis esse debeat. 9.

Neq; solum de spiritualibus, sed etiã de temporalibus. 18.

Magna quippe sublimitas magnã debet habere caute-
lam. 13.

Qualis etiam debeat esse zelus eorum. 3. 21. 23.

¶

Et

Et quis perfectus. 22. 23.

Zelus animarum optimum sacrificium. 24.

- 1 **L**EVITÆ per gyrū tabernaculi figent tentoria, ne fiat indignatio super multitudinē filiorum Israël, & excubabūt in custodiis tabernaculi. *Nu. 1.*
- 2 Custodi temetipsum, & animam tuam sollicite. *Deut. 4. Mich. 6.*
- 3 Zelo zelatus sum pro Domino Deo exercitū: quia dereliquerunt pactum tuum filij Israël, altaria tua destruxerunt, Prophetas tuos occiderunt gladio, derelictus sum ego solus, & quærunt animam meam vt auferant eam. *Exo. 32. Num. 14. 3. Reg. 19. Vide optima exempla Gen. 34. Num. 25. Iudic. 2. 3. Reg. 18. 1. Machab. 2. Matth. 25.*
- 4 Palpebræ tuæ præcedant gressus tuos. *Prov. 4.*
- 5 Omne corpus, & colla, & manus, & pennæ, & circuli plena erant oculis, in circuitu quatuor rotarum. *Ezech. 10.*
- 6 Instantia mea quotidiana, sollicitudo omnium Ecclesiarum: Quis infirmatur, & ego non infirmor? Quis scandalizatur, & ego non vror? *2. Corinth. 11.*
- 7 Obedite præpositis vestris, & subiaccete eis. Ipsi enim peruigilant quasi rationem pro animabus vestris reddituri, vt cum gaudio hoc faciant, non gementes: hoc enim non expedit vobis. *Heb. 13.*
- 8 Sobrij estote, & vigilate: quia aduersarius vester diabolus tamquam Leo rugiens circuit, quærens quem deuoret: Cui resistite fortes in fide. *1. Pet. 5.*

Sacer-

Sacerdotalis sollicitudo, qualis.

QVOD ait Apostolus: Ipsi peruigilant, quasi rationem reddituri pro animabus vestris. Sacerdotalem curam pro populo sibi commisso satis ostendit, qui tam in suis actibus, quam in prædicationibus vigilantes sollicite hostis antiqui rimantur insidias, ne quem velut dormiente pastore lupus diabolus astuta fraude subripiat, & in damnum pastoris abreptum secum vsque ad supplicia sempiterna perducatur. *S. Prosper de vita contempl. l. 2. c. 3.*

Sacerdos debet esse omni ex parte ocul⁹.

DEI Sacerdos, quoniam ad Deum appropinquat, animalium illorum multis oculis præditum in morem, omni ex parte oculus esse debet, eorum instar nihil nesciens, &c. *S. Isidorus Pelus. l. 1. ep. 151. Vide sup. c. 4. §. 1. de prudentia, Animalia, n. 14.*

De eodem.

SAPIENTISSIMUM esse oportet, & in omnibus perspicacem Sacerdotem, & mille, vt aiunt, omni ex parte oculos habentem, quippe qui non solum sibi, sed etiam populo viuuit. *S. Chrysoft. de Sacerd. l. 3.*

De eodem: maxime in dignoscendis virtutibus, & vitiis.

SÆPE sub parsimonix nomine se tenacia paliat, contraq; se effusio sub appellatione largitatis occultat: sæpe inordinata remissio pietas creditur, & effrenata ira spiritalis zeli virtus æstimatur: sæpe præcipitat actio, &c. Vnde necesse est, vt Sacerdos

animarum virtutes, ac vitia vigilantia cura discernat. *S. Gregor. Pastor. p. 2. c. 9. optime. l. 13. Moral. c. 14. & 17. & l. 3. c. 17. dist. 41. c. sepe. S. Bonau. de processu 6. relig. c. 36. S. Augustinus l. 4. contra Iulianum, c. 3. tom. 7.*

Magna sublimitas, magnam debet habere cautelam.

13 *S. Ambros. de dignitate Sacerdotali, c. 3.*

Cum magno timore præesse debent subditis Sacerdotes.

14 **ADMONENDI** sunt Presbyteri, vt perpendant, quia, quidquid à fidelibus datur, redemptio peccatorum est. Et ideo non gloriantur talibus sumptibus vti; sed magis timeant, quod in veteri Testamento de Sacerdotibus dictum est: iniquitatem *Leu. 10.* eos debere portare. Et ideo cum magno timore *Nu. 18.* super eos solliciti sint, quorum bonis participantur: quia magnum periculum est, iudicem fieri vitæ alienæ, qui nescit tenere moderamina vitæ suæ. *Iuo Carnot. p. 6. c. 183. ex S. August. Idem S. August. epist. 147.*

Sacerdos, qui subditis sollicitè annunciauerit malum imminens, coronabitur; secus, qui tacuerit.

15 **SI** Sacerdos, quoniam speculator à Deo constitutus est. *Vt sup. c. 7. §. 1. de prædicatione, n. 70.*

Ratio.

Rationem reddet Sacerdos de pigra
solicitudine erga iuditorum salu-
rem.

GRANDIS dignitas Sacerdotum, &c. *Vt inf. p. 16*
3. c. 2. de grauibus peccatis Sacerdotum, n. 46.

Crudelitas est, non curare de subditorum
salute, propriis etiam commodis post-
habitis.

SICUT crudele est, ex ore famelici infantis ma- 17
nibus panem rapere; ita & seipsum, & operarium
lædit, qui animas suscipit regendas, nisi illi coro-
nas, quantas illum sustinere posse nouit, horis sin-
gulis prouidere fatagit, siue per contumelias, siue
per ignominias, siue per obiectiones, siue per lu-
dibria. *S. Io. Climacus gradu 4. de obedientia.*

Sollicitudo necessaria non tantum de bo-
nis spiritualibus, sed etiam de tempo-
ralibus.

HOC tempore talis in regiminis arce debet 18
constitui, qui non solum de salute animarum, sed
etiam de extrinseca utilitate & cautela sciat esse
solicitus. *S. Gregor. lib. 8 epist. 40. dist. 39. c. Petrus.*
Epist. l. 1. Reg. ad fin. Epist. 4. l. 6. Epist. in Pastor. p.
2. c. 7.

De vigilantia, quam aduersus se debet ha-
bere Sacerdos.

CUM rerum necessitas exposcit. *Vt sup. p. 1. c. 1. de 19*
institutione Sacerdotum, n. 7.

De eodem.

- 20 CAVEAT Sacerdos motus animi sui. Ipse enim sibi & obseruandus, & circumspiciendus est; & vt aduersum se cauendus, ita etiam de se tuendus. S. *Ambros. de officiis l. i. c. 47.*

Quem zelum habere debeat Sacerdos.

- 21 ZELVM habere debet Sacerdos, qui in corruptam seruare studet Ecclesie castitatem. Et ideo Princeps Sacerdotum dicit: Zelus domus tue deuorauit me. Et Phinees Sacerdos erat & nepos Sacerdotis, & filius Sacerdotis. Bonus zelus, & utilis in Sacerdote, præcipue ne negligens, ne remissus sit. Melius est, vt vnus, aut duorum damnatione plurimi liberentur, quam duorum absolute plurimi periclitentur. *Idem S. Ambr. sup. Psalm. 118. in illa verba: Tabescere me fecit zelus meus. S. Bernardus serm. 25. in Cantica, & 76.*

Zelus perfectus quis.

- 22 ZELVS animarum verus, & perfectus est, quando aliquis sanctis meditationibus, feruentibus desideriis, lacrymis, orationibus, vigiliis, ieiuniis, atq; aliis bonis operibus pro salute animarum laborat, &c. *Albertus Magnus in Paradiso anima, c. 26.*

De eodem.

- 23 BONVS zelus est feruor animi, quo mens obiecto humano timore pro defensione veritatis accenditur, & eo magis commendabilis, quo quælibet

libet praua, quæ viderit, corrigere fatagit: si nequit, tolerat, & gemit. *Glos. super Psalm. 68.*

Zelus animarum, optimum Sacrificium.

NULLVM omnipotenti Deo tale est Sacrificium, quale est Zelus animarum, & hoc propter imaginem Trinitatis impressam animabus, *s. Gregor. super Ezechielem, hom. 12.*

Zelus debet esse secundum scientiam.

ZELVS minus absque scientia efficax, minusq; utilis inuenitur, plerumque autem, & perniciosus valde sentitur. Quo igitur zelus feruidior, vehementior Spiritus, profusiorque caritas, eo vigilantiori opus est scientia, quæ zelum supprimat, Spiritum temperet, ordinet caritatem. *s. Bonau.*

in Phar. l. 3. c. 35. ex S. Bernardo.

